

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KT 0062160 25
Zenica, 07.02.2025. godine

OPĆINSKI SUD ZENICA
-Sudiji za prethodno saslušanje-
ZENICA

Na osnovu člana 45. stav 2. tačka i) i člana 241. stav 1. Zakona o krivičnom postupku F BiH, p o d i ž e m

O P T U Ź N I C U

Protiv:

Č. E., neosuđivan,

Što je,

Dana 25.12.2024. godine, oko 18,00 sati, u Z., u ulici ..., vršio nasilje prema Š. E. i ošteti tuđu stvar, svjestan svojih radnji i znajući da su takve njegove radnje zakonom zabranjene, što je i htio, na način da je kao pješak izašao na sredinu kolovoza i mahao rukama s namjerom da zaustavi vozilo koje se kretalo kolovozom i kada je Š. E. zaustavio svoje vozilo marke „██████“ reg. oznaka ██████████, kojim je upravljao, da bi Č. E. prišao vozilu sa suvozačeve strane, gdje je tom prilikom E. otvorio prozor do pola, pitajući ga: „U čemu je problem?“ , a E. odgovorio: „Gledaj kako voziš, brzo voziš, ja zbog takvih stvari razbijam šajbe!“, gdje je došlo do kraće rasprave između njih, nakon čega je Č. E. šakom desne ruke razbio staklo na prednjim desnim vratima vozila uslijed jačine udarca komadići razbijenog stakla su udarili oštećenog Š. E. u predjelu lica i oka gdje je zadobio laku tjelesnu povredu u vidu ogrebotine kože nosa, poderotine sluznice lijevog oka uz prisustvo sitnih stranih tijela na sluznici i zakrvavljenosti bijeloočnice, čime je ovakvim radnjama ugrozio građanski mir i njihovu sigurnost, te ošteti tuđu stvar,

čime je učinio krivično djelo Nasilničko ponašanje iz člana 362. stav 2. KZ F BiH u sticaju sa krivičnim djelom Oštećenje tuđe stvari iz člana 293. stav 1. KZ F BiH.